

弘明集

弘明集十
四卷

四部叢刊子部

弘明集序

梁釋僧祐輯弘明集十四卷蓋由東漢以迄當時凡諸論著足以弘道明教羽翼法門者總之則閑儒什七開士什三斌々具在唐釋道宣廣之為三十卷蓋由鄭圃以迄當時凡諸論著有當于弘明者裒而什之區別為類始則歸正終則統歸儒釋程

能亦如嚮者二集並入大藏如海一漚康
虞坏而出之易梵筴為儒筴庶幾乎薄海
內外亡不流通亦普門法也夫道函三為
一中古裂一為三同出殊塗務伐異而守
勝甚者互相排擊不啻華戎竊惟大同以
及小康均之無為而治老氏亦猶行古之
道也豈搢戶說為哉周公仲尼惟制作刪

述為汲々傳者迄今為政顧乃尊龍德而
薄猶龍爰及漢明釋教始入中國西極之
化未之前聞重以言語不通謠俗不易群
吠所怪鮮不狎々久之則譯其言其言可
繹格其俗其俗可因于時學士大夫比丘
弟子群然倡和有若于喁彼或薄以先聲
而且建旗鼓當之矣及夫初祖既東言鑒

畢慶六祖南矣登寂上乘故其教入梁滋
昌濟唐滋大梁則僧祐唐則道宣雲作風
行會逢其適是二集之所由輯也其後昌
黎直諫方之禹功宋儒擯斥異端傳諸戎
首猥云以道自任耳視者愈益眈眈彼日
而升此月而恒成虧不相及矣我
二祖在宥而理參兩成能六籍三乘相為

經緯真儒崛起、屢不二之門宗廟百官
惟所寓目猝然而辟闢者直以為吾廬此
滅跡之圖第保聲名無缺耳有唐祖玄元
而稱帝其教益張釋氏紛々執言嚴于詬
厲然則後世之紕釋氏豈惟僞者褊心乎
慨自白馬入都始或以侏僂逆耳譯者以
意達志未必皆得其心彼亶不聰難以求

備二集所載則皆斐然成章論其世而晉
其人其較著者可僂指也僞則漢栢譚牟
融晉孫綽郝超習鑿齒宋宗炳何承天顏
延之謝靈運羅含孫盛齊明僧紹張融周
顒孔稚圭北魏、收北齊盧思道顏之推
梁蕭統劉勰沈約江淹江總王僧孺陳徐
陵隋李德林薛道衡唐褚亮裴子野釋則

晉慧遠支遁梁法雲隋智者唐玄奘是皆
深沉博雅精義弘詞披瑕握瑜亦有足術
昭明文選簡摟之外無稱焉誠懼一傳衆
咻莫為適主寧為絕物無寧自絕于儒要
以嬰兒未孩其頃如一傳楚則楚傳齊則
齊作者並立莊獄之間壹稟于正彼其習
心不察猶然以為鳩舌也者而非之諄矣

且也冀州之墅三聖出焉大江以南率隸
蠻貊概諸古昔大有徑庭乃今吳越江海
之陬邇以人文甲天下大行迤北僅當一隅
藉令尊古而卑今是秦亡復陶而吳廢編
帶諄之諄者也二釋所輯具有羽翼功韋
得康虞為之臚傳將令咻者批頰退矣夫
道家率由上古于時為春于樂為蕢桴于

文為鳥跡彼一時也儒者自中古起家于
時為夏于樂為韶武于文為鍾王此一時
也釋氏先發後至于時為秋之成于樂為
鈞天于文為籀又一耑也康虞之為是舉
也殆將通百世秩三時律八風銘九鼎異
非岐異同非雷同昭然發墻面之矇解兩
家之難即有喙三尺寧詎能黜鄒魯而夷

之耶雖然少林曹谿默存而已弘無所弘
斯至道也明無所明斯至教也二釋同時
而出寧復背馳射者取節騶虞此直為之
噐矢由斯決拾而進不失嚮方康虞得師
達觀抑或可以語此是集固將流通無間
惡用不佞之言

萬曆丙戌夏六月望方外司馬汪道昆著

弘明集目錄

卷第一

理惑論

三十七篇

漢牟融

正誣論

未詳作者

卷第二

明佛論

宋宗炳

卷第三

與宗居士書

宋何承天

答何衡陽書

宗炳

答宗居士書

何承天

答何衡陽書

宗炳

答宗居士書

何承天

喻道論

晉孫綽

卷第四

達性論

何承天

釋達性論

宋顏延之

答顏光祿

何承天

重釋何衡陽

顏延之

重答顏光祿

何承天

重釋何衡陽

顏延之

卷第五

更生論

宋羅含

與羅君章書

宋孫盛

答孫安國書

羅含

神不滅論

宋鄭道子

新論形神

晉桓譚

沙門不敬王者論

五篇并序

晉釋慧遠

沙門袒服論

釋慧遠

難袒服論

何鎮南

答何鎮南

釋慧遠

明報應論

并問

釋慧遠

三報論

釋慧遠

卷第六

釋駁論

并序

晉釋道恒

正二教論

南齊明僧紹

門論

南齊張融

難張長史門論

并問答
三首

南齊周顒

答周顒書

張融

重答張長史書

周顒

與顧道士書

謝鎮之

重與顧道士書

并頌

謝鎮之

卷第七

難顧道士夷夏論

并書

宋朱昭之

諮顧道士夷夏論

并書

朱廣之

駁顧道士夷夏論

并書

宋釋慧通

戎華論折顧道士夷夏論

宋釋僧愍

卷第八

辯惑論

并序

釋玄光

滅惑論

梁劉勰

釋三破論

釋僧順